

BOSNA I HERCEGOVINA
FEDERACIJA BOSNE I HERCEGOVINE
ZENIČKO–DOBOJSKI KANTON
KANTONALNO TUŽILAŠTVO
ZENIČKO–DOBOJSKOG KANTONA

Broj: T04 0 KT 0051587 22

Zenica, 07.02.2023. godine

OPŠTINSKOM SUDU U TEŠNJU

- Sudiji za prethodno saslušanje –

Nakon provedene istrage, na osnovu odredaba člana 45. stav 1. i 2. tačke i) i člana 241. stav 1. Zakona o krivičnom postupku Federacije Bosne i Hercegovine (*Službene novine Federacije BiH, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13, 59/14*)¹, p o d i ž e m

OPTUŽNICU

Protiv,

Muslija Mehe, rođen 1994. godine u Tešnju,

Što je:

U noći 12/13.11.2022. godine, na području Opštine Tešanj, izvršio više radnji za koje je ovlaštena službena osoba – policijski službenik, iako je bio svjestan da on nije policijski službenik, te da izvršava radnju koju je ovlaštena izvršiti samo određena službena osoba, a što je i htio, pa je preduzeo sljedeće radnje:

1. na regionalnom putu Pranjavor – Novi Šeher u mjestu Vukovo izvršio radnju za koju su ovlašteni poduzimati policijski službenici po članu 10. stav 1. tačka a) provjera i utvrđivanje identiteta osoba i stvari i tačke i) pregled osoba, stvari i prijevoznih sredstava Zakona o policijskim službenicima (*Službene novine ZDK broj 4/14, 2/18*) i to na način da je vozeći se iza A. J. sa vozilom marke Mercedes upalio blinkajuća svjetla na mobilnom telefonu, te dajući svjetlosne signale (blicajući) zaustavio A. J., nakon čega je izašao iz vozila predstavio se kao policijski službenik, te od J. zatražio vozačku dozvolu i potvrdu o registraciji vozila, nakon čega mu je J. predao tražene dokumente, da bi potom pokušao izvršiti pregled J. vozila marke „BMW“ na način da je tražio od J. da pokaže opremu za vozilo, a što J. nije uradio, nakon čega je Muslija Meho sjeo u vozilo Mercedes, te se uputio pravcu Tešnja,

¹ U daljem tekstu ZKP FBiH.

2. na magistralnom putu Doboj – Teslić u mjestu Tešanjka izvršio radnju za koju su ovlašteni poduzimati policijski službenici po članu 10. stav 1. tačka a) provjera i utvrđivanje identiteta osoba i stvari Zakona o policijskim službenicima (*Službene novine ZDK broj 4/14, 2/18*) i to na način da je dajući svjetlosne signale baterijskom lampom (blicajući) zaustavio vozilo kojim je upravljao M. J., nakon čega se predstavio kao policijski službenik, te od J. zatražio vozačku dozvolu i potvrdu o registraciji vozila, po kojem zahtjevu J. nije postupio, nakon čega se Muslija Meho udaljio od J. i sjeo u vozilo marke Mercedes,

3. na magistralnom putu Doboj – Teslić u mjestu Tešanjka izvršio radnju za koju su ovlašteni poduzimati policijski službenici po članu 10. stav 1. tačka a) provjera i utvrđivanje identiteta osoba i stvari Zakona o policijskim službenicima (*Službene novine ZDK broj 4/14, 2/18*) i to na način da je dajući svjetlosne signale baterijskom lampom (blicajući) zaustavio vozilo kojim je upravljao H. E., nakon čega je prišao H. E. te mu se obratio riječima „jeste li konzumirali šta“, da bi potom E. rekao „haj vozi sreća da te znam“, nakon čega je E. nastavio vožnju prema Doboju,

Čime je počinio produženo krivično djelo lažno predstavljanje iz člana 369. stav 2. Krivičnog zakona Federacije BiH (*Službene novine Federacije BiH broj 36/03, 37/03, 21/04, 69/04, 18/05, 42/10, 42/11, 59/14*) u vezi sa članom 55. KZ FBiH.